

Khumamelo Thutong



SABATHA THAPAMA

Bakeng sa Thuto ea Beke ena Bala:

Daniele 3, Tsen.14:6-12, Lipes. 78:1-17, Johanne4:7-26, 1 Likron. 16:1-36, Mareka7:1-13.

Temana ea Khopolo:

“Busetsang ho Jehova khanya e tšoanelang Lebitso la hae; tlisang linyehelo, ’me le hlahe pel’a hae, khumamang pela Jehova ka bokhabane bo halalelang” (1 Likronike 16:29).

Khumamelo ke karolo ea motho, karolo ea tlhaho ea motho, le eona tlaho e oeleng. Ha ho potang, re bopiloe re le libupuo tseo, ka tokoloho eo re e fuoeng ke Molimo, li tla khumamela Morena hobane li mo rata ’me re tseba hore o lokeloa ke khumamelo. Khumamelo e joalo e tlameha e n’le ntho’e bonolo lefatseng le e-so oele sebeng, moo batho ba neng ba kopana le Molimo sefahleho le sefahleho, tlhohlong e e-so silafatsoe ke sebe, lefu, le tsenyeho—tlhohlo eo rona ba itsebelang ena e senyehileng feela re nahanang ka eona feela.

Ehlile, kajeno, leha bohloki ba rona bo maling ba khumamelo bo ntse bo le teng ka ho rona, joaloka ntho e ’ngoe le e ’ngoe fatšeng lena, e sothiloe le ho silafatsoa ke sebe. Eleng se boeleng hore, hara tse ling, rona, re le libupuo tse khumamelang, re ka qetella re khumamela ntho tse fosahetseng, kapa re ka qetella re khumamela Morena ka tsela eo a sa lokeleng ho khameloa ka eona (mohlala, sheba Mareka7:1-13, Jer. 7:4). Ka hona, kaha khumamelo ke khubu ea maiphihlelo a Mokreste, thuto ea Bokreste e tlameha ho shebana le taba ena ea khumamelo, eleng sehlooho sa thuto ea beke ena.

**Ithute Thuto ea Beke ena ho lokisetsa Sabatha sa, 14 Pulungoane.*

Kaofela rena le seo re se Khumamelang

Ho na le se seng ka hare ho rona—se seng, seo ho seng potsang hore se ile sa rokelloa ho rona ke Molimo, empa, joaloka ntho’e ’ngoe le e ’ngoe, e ileng ea khojoa ke sebe—e laba-labelang khumamelo. Ho hlakile hore qalong re ne re lokela ho khumamela ea inotsi ea lokeloang ke khumamelo, Morena le ’Mopi oa rona. Empa ho tloha kamora sebe, sena sohle se fetohile hona hoo. Ehlile, bohle re khumamela ho hong, e mong, eng kapa eng. Sena se thusa ho hlalosa hore na hobaneng nalaneng eohle ea motho, le ho fihlela kajeno, motho a khumamelang ho hong. Egepeta ea khale, batho ba bang ba ne ba khumamela Faro; ka nako tse ling, naheng tse ling, batho ba ne ba khumamela lifika tsa lithlapi, melingoana e hlooho li ngata, le tse ling tseo ho thoeng ke melingoana. Batho ba bang ba ne ba khumamela letsatsi, khoeli le linaleli. Kajeno, batho ba bangata ba hlalefile haholo ho ka khumamela sefika sa senqanqana (empa eseng sefika sa Maria), empa sena ha se re, batho, le batho ba sa lumeleng, ha hona seo ba se khumamelang: chelete, matla, thobalano, bona, linaleli tsa ’mino, libapali tsa kalaneng, bapolotiki. Shle seo re se ratang haholo, sohle seo re tsepamisang maikutlo a rona ho sona haholo, sohle seo re se phelelang, ke seo re se khumamelang. Sengoli sa lefatše, David Foster Wallace, se fana ka temoso, haeba u khumamela ntho’e fosahetseng, e tla “u ja u le tala.”

Ke sefe seo pale ea Daniele 3 e re rutang malebana le bohlokoa ba khumamelo ea ’nete?

Ho hlakile hore bashanyana ba bararo ba Baheberu ba ile ba nka molao oa bobeli (Exoda. 20:4-6) ka tieo, hantle joalo kaha Molimo a lebeletse. E bile, hakere ke karolo ea mealo e leshome, e na le e meng e thibelang ho bolaea le utsoa joalo-joalo. Khumamelo, khumamelo e nepaetseng e bohloka hoa hoo, haele hantle, ebang khubuu taba mehleng ea bofelo, pele ho hotla labobeli hoa Kreste. Ka hona, thuto ea Sekreste e tlameha ho kenyeletsa taba ena ea khumamelo: ke eng, re e etsa joang, hobaneng e le bohlokoa hakaale, ’me re khumamela mang?

Bala Tsenolo 14:6–12. Ke sefe seo litemana tse li re rutang mabapi le kamoo taba ea khumamelo e tla ba khubu ea ntoa pele Kreste a khutla?

Ba li Bolelle Bana ba Bona

Lipesalema tsa Testamenteng ea Khale li bonahala li qetella li bapala karolo e itseng maphelong a tumelo ea Baiseraele ba khale. Li ne li phetoa ka hlooho, li binoa, hangata ka liletsa, nakong ea khumamelo, haholo-holo khumamelo ea sechaba ka moka, eo ka Testamenteng ea khale e neng e le khubu ea kamoo batho ba khumamelang kateng. Iseraele e ne e sebetsa e le sechaba, e le sechaba, e n'e khumamela 'moho. Lipesalema haele hantle ke lithothokisao, Tehillim, le bolela lipina tsa thorisio." 'Me ha re binela Molimo lithorisio, eng le eng eo re e etsang, re khumamela Morena.

Bala Lipesaleme 78:1–17. Molaetsa oa bohlokoa ke ofe moo, 'me o nyallana joang le taba ee eohle ea thuto le khumamelo?

Hona le sepheo se itseng ka molaetsa oa Pesalema ea 78. Temaneng ea 2, Asafe o bontša kamoo re tla arolelana "lithuto tse lefifi tsa khale." Lentsoe lefifi ha le bolele ntho'e "tšabehang" empa, ntho'e lerootho, kapa e felang, joalokaha histori e ba joalo ha nako e ntse e-ea. Liphetoletong tse ling, lefifi le nkoa e le "lekunutu (NLV) kapa "li'nete tsa khale tse monate" (Message). Taba mona ke hore, sohle se neng se kenyelatsa thuto ea Isearele, e ne keneyeletsa ho ruta bana lipale tsa kamoo Morena a sebetsanang le sechaba se khethiloeng kateng.

Sheba Lipesaleme 78:6–17. Lithuto tse ikhethileng tseo ba neng ba tlameha ho li ruta bana ba bona ke life? Sepheo sa moshoellela sa thuto eee ne le sefe?

Hara lipakane tsa thuto, joalokaha ho bonoa temaneng, ke hore bana ba tla ithuta ho tsepa Molimo le ho boloka mealao ea hae. Ke joang temana e kang ea Tsenolo 14:12 e ka re thusang ho re bontsa taba eona eo kajeno?

Ka Moea le ka 'Nete

E 'ngoe ea ketsahalo tse hlolang tsa kamoo Jesu a neng a sebeletsa meea e robhileng Testameneteng e Ncha e fumaneha paleng ea Hae le mosali selibeng.

Bala Johanne 4:7–26. Jesu o reng ho eena ka khumamelo? Haele hantle, ba qeteletse ba fihlile tabeng ea khumamelo joang?

Leha a ile a leka ho fetola moqoqo ka ho buoa ka khumamelo, Jesu o ile a sebelisa maqiti a hae ho re fa linnete tse babatsehang malebana le khumamelo le seo e se kenyelletseng. Mohlomong se bohlokoa bakeng sa sepheo sa rona mona, ke seo a se buileng ho Johanne 4:24: “Molimo ke Moea, ba o rapelang, e ka khona ba rapele ka moea le ka 'nete.” Khumamelo ea 'nete ea Morena e tlameha ho ba “ka moea” ke hore, e tlameha ho thomeha leratong la Molimo, maiphihlelong a ho mo tseba ka bo uena. “Bolimeli bo tsoang ho Molimo ke bona feela bo isang ho Molimo. Ele hore re mo sebeletse hantle, re tlameha ho tsoaloe ka moea o Halalelang. Sena se tla hloekisa pelo se nchafatse kelello, ho re fa bokhoni bo bocha ba ho tseba le ho rata Molimo. Se tla re fa mamelo ea boikhetsho melaong eohle ea hae. Hona ke khumamelo ea 'nete. Ke tholoana ea mosebetsi oa Moea O Halalelang.”—Ellen G. White, *The Desire of Ages*, leq. 189.

Ka mokhoa o tsoanang, khumamelo e tlameha ho etsoa “ka 'nete.” Re tlameha ho ba le tsebo e nepahetseng ka Molimo, ka seo a leng sona le seo a se hloakang ho rona. Ka mantsoe a mang, thuto le eona e ea kenella. (ho utloahala hakae, mohlala, ho tseba hore re khumamela Molimo ea sa cheseng batho ka ho sa feleng lihlelang).

Ka hona, mona re bona ntho tse peli khumamelong: maiphihlelo a tsoang ho tsebeng le ho mamela Molimo, le linnete tseo re li senoletsoeng ka Molimo. Moea ntle le 'nete o ka tlisa tumelo-'motoana e thehiloeng maikutlong eseng ho eng kapa eng, 'me e fefoleloang ke moea feela. Ho fapana le hona, 'nete e senang moea e ka isa bophelong bo feela. Ka hona, re li hloka li le peli.

U ka leka ho ruta motho ho khumamela “ka 'nete le ka moea” joang? Ke maamong afe moo motho a ka hloakang ho toboketsoe ho e 'ngoe hoo feta e 'ngoe?

Botle ba Khalalelo

Bala 1 Likronike 16:1–36. Leka ho etsa setsoantso sa ketsahalo ena. U e bona e le mahlonoko, e tsoa, kapa e le mokete o tletseng meyaka? Ke joang e kabang tsona li le peli? Ke sefe seo re ka ithutang sona ketsahalong ee ka khumamelo le kamoo re lokelang ho ruta le ho ba le maiphihlelo a khumamelo?

Sebaka sa khumamelo e n'e le tabernakele, moo Molimo a neng a lutse le Israele oa khale le moo leano la topollo le neng le kile la senoloa ho bohle. Joale bohareng hee ba khumamelo, esita le thuto ea khumamelo ho lokela e be Jesu le leano la Hae la topollo, tseo tsohle li bonahalitsoeng tabernakeleng ea tsebeletso. Eng kapa eng eo Molimo a re etselitseng eona e lokeloang ke thorisole le khumamelo, ha e bolele letho hae sa fupara tsepo ea bosafeleng e fanoang ho rona ho rona ke sehlabelo le tefelo ea hae ka lefu sefapanong. Hape lemoha ka tatso ea "boevangeli" e fumanehang sekheng sena: lefatse lohle le ne le loela ho ithuta ka Molimo oa Israele.

Talima 1 Likronike 16:29: "Khutlisetsang ho Jehova khanya e lokelang lebitso la Hae; tlisang sehlabelo, 'me le tle ho Eena. Oho, khumamelang Jesova botleng le khalalelong!'. Botleng le khalalelong? Sena se ka lekanyang?

Ho ba bacha litabeng, nahana ka bobbe, kotsi, tlotlollo eo sebe seka e etsang. Hape ho thata ho rona ho nahana ka bobbe, bokhobo le tlotlollo e neng e bonahala khumamelong e neng e etsoa ke lichaba tse ling pela Israele, ts'ebeletso tse neng li kenyeletsa ntho tsohle, mahlabelelo ka bana. Hape, haho potso, lintho tsena li ne li senola ts'obotsi ea batho ba neng ba li etsa.

Ka hlakoreng le leng, Israele oa khale o na lokela hore eka ba sechaba se halalelang, se arohaneng le bobbe bo se potapotileng. Ba ne ba lokela hore ba halalele lipelong le mehopolong; sena ke se ileng sa fa khumamelo ea bona moelelo le botle pela Molimo. Khafetsa bapofeta ba Testamente ea khale ba ne ba khotsa batho ba neng ba khumamela Jehova empa ka lehlakoreng le leng ba khile hara bobolu 'me lipelo tsa bona li le hole le Eena.

Borapeli ba Melimo Thutong

Iseraele ea khale e ne e pota-potuo e ke batho ba bolumeli, batho ba neng ba inehetse hona hoo khumamelong le ho phahamiseng melingoana ea bona hoo ba neng ba bile ba etsa lihlabelo ka bana ba bona. Sena ke boinehelo bo feletseng haho joalo? Ka hona, khumamelo, khumamelo ea 'nete ea Molimo o phelang, e n'e e le karolo ea bohlokoa ea ho sireletsa Baheberu hore mohlaope ba se hahlameloe ke borapeli ba litšoantšo boo ba neng ba bo khalemeletsoe. Ho joang ho rona kajeno? Ke hobaneng ho khumamela Molimo oa 'nete, re sheba tsohle tseo a re etseliteng tsona, ho le bohlokoa hakaale, haholo-holo maemong ao re tobaneng le kotsi tsa borapeli ba litšoantšo ba mehleng ee?

Bala Mareka 7:1–13. Ke ts'iea efe eo re e fumanang temaneng ea 7-9 e ka sebelisoang boemong ba thuto ea Bakreste kajeno, le kotsi ea thuto tsa leshano, tse nkuoang lefatšeng, tse ka bang le khahlamelo e bosula mekhoeng eo re lumelang tumelo ea rona ka eona?

Bongata ba maikutlo 'nete ho ea ka libali-bali tsa mehleng ena a itšetlehile tlhahong. Boholo ba mafapha a thuto kajeno a itšetlehile holima kutloisiso ena, hangata sena se bolela hore hangata se rutoang se tla loantšana le mangolo. Re ka oela tekong ea ho khumamela maikutlo a fanoeng, a sebelisoang. Re ka boela ra iphanyetsa likelello tse bohlale tsa lifilosofara, bo rasaense, le bo ralipalo-palo ba tllileng ka kutloisiso tsena. Bothata ke hore hangata maikutlo ana a loantšana le Mangolo, empa ka baka la hore ke ntho tse lumeloang tse rutoang, batho ba leka ho li kenyeletsa thutong ea Bokreste. Leha ho le joalo, ntho e le 'ngoe feela e ka etsoang ke ho lahla tumelo, eleng seo hangata se bolelang ho sotha le ho khelosa mangolo e le ho etsa hore mangolo a nyallane le kutloisiso tsa kajeno.

Tse ling tsa litumelo tse tummeng tse hohlanang le mangolo ke life kajeno, 'me ke joang re ka ithuttang ho itšireletsa khahlanong le ho li kenyeletsa elanong la rona la thuto?

Tsepamisa Maikutlo:

“pelo e mano ho feta tsohle, ’me e khopo. Liporofesa tsa tumelo ha li ichebe ho itekola hore na li tumelong, kaha ke taba e tšosang hore e be ba bangata ba itšetlehile tšepong ea lefeela. Ba bang ba itšetleha maiphihlelong ao ba bileng le oona khale koana; empa ha a tlišoa nakong ena ea ho lekola lipelo, nakong eo bohle ba lokelang ho ba le maiphihlelo a letsatsi le letsatsi, ha bana letho leo ba ka buoang ka lona. Ba bonahala ba hlōma e ka ho ithutela thuto e itseng ho tla ba pholosa. Ha libe tseo tseo Molimo a li hloileng li hloloa, Jesu O tla kene a je le uena. Joale u tla hama matla a halalelang ho Jesu, ’me o tla hola tumelong ho eena, e ka tlhōle e halalelang, u khona hore, ho bokoe Morena ea re fang tlhōle ka Jesu Krete Morena. Molimo a ka leboha haeba liporofesa tsa tumelo tse fofo li ka tlohela ho sebelisa lebitso la hae. Ba lutse e le mejaro e sa feleng ho bao eleng balateli ba Jesu ba tšepahalang. Ke majoe a khupiso tseleng ea baetsalibe ba batlang ho tla ho Jesu, ’me manyeloi a khopo a ikotla lifuba ka bona, e be a tšeha manyeloi a Molimo. Ba joalo ke thohako lapeng kapa ka ntle ho lelapa. Ba atamela ho Molimo ka melomo, ha lipelo li le hole-hole le eena.”—Ellen G. White, *Spiritual Gifts*, vol. 2, leq. 227.

Lipotso tsa Lipuisano:

- 1. Ho Mareka 7:1–13, re ithutile hore bothata ba khumamelo ea bohata ke bothata ba pelo. Molimo ha a nke khumamelo ea molomo ebang khumamelo ena e sa tsoe botebong ba pelo. Ke hobaneng ha pale ea evangeli le pale ea lefu la Jesu bakeng sa rona ele tsela e matlahali ea ho bula lipelo hore li rate Molimo e le ka ’nete?**
- 2. Tsepamisa maikutlo tabeng ea ho khumela Molimo “ka moea le ka ’nete.” Na ho ka etsahala hore u etse e le ’ngoe feela ea tsona e be u nepahetse, kapa khumamelo ea ’nete e li hloka li le peli? Haeba ho joalo, hobaneng?**
- 3. E, lipelo tsa rona li tlameha ho loka hore li khumamele Molimo e le ka ’nete, empa seo se bolelang? Na u lokela ho ema ho fihlela o hokahane le Molimo ka botlalo, bophelo ba hau bo nepahetse, e be hona u ka khumamelang? Ka lehlakoreng le leng, ke joang khumamelo ea ’nete, e ka thusang hore pelo ea hau e be maemong a matle mahlōng a Molimo?**